

8. Exportar o noso traballo

1

eXe-learning garda por defecto os traballos que realizamos en formato **.elp**, un formato que só vale para traballar con esta aplicación. Pero como o obxectivo é publicar o noso recurso, eXe proporciónanos varios formatos para exportar e, xa que logo, publicar o noso traballo xa sexa en internet ou xa sexa nunha plataforma LMS como Moodle.

Desde hai xa varios anos veñen utilizándose no contexto da web 2.0. **Sistemas de Xestión da Aprendizaxe** ou LMS (Learning Management System) para vehicular procesos de ensino-aprendizaxe no contexto das novas tecnoloxías. Así, un LMS permite a publicación e o acceso aos contidos educativos, pero tamén a xestión dos recursos e a comunicación entre os axentes que operan con eles, fundamentalmente alumnos e profesores.

Os formatos de exportación que nos subministra eXeLearning son os seguintes:

- SCORM 1.2
- Paquete do contido IMS
- Sitio web
- Páxina soa
- Arquivo de texto
- Notas para iPod
- Commond Cartridge

SCORM 1.2

SCORM é un conxunto de normas técnicas que permiten aos sistemas de aprendizaxe en liña ou LMS importar e reempregar contidos de aprendizaxe que se axusten á súa norma, que inclúe criterios de accesibilidade, adaptabilidade, durabilidade, interoperabilidade e reusabilidade. Ao exportar o noso proxecto como SCORM 1.2, eXe garda o noso traballo nun paquete comprimido (.zip) que poderá importarse desde calquera plataforma LMS que soporte esta norma e poida aproveitar todas as súas posibilidades.

Para gardar o noso traballo en formato SCORM só temos que ir a **ficheiro>exportar>SCORM 1.2**.



Pilar Anta Fernández
Xosé Duyos Vázquez



O noso traballo gardarase nese formato e despois só temos que subilo ao noso curso na plataforma Moodle.

Paquete de contido IMS



IMS Content Packaging specification é un formato con moitas similitudes con SCORM que artella unha árbore de especificacións para organizar os contidos educativos que fai que poida ser reempregado en moitas plataformas sen necesidade de andar convertendo estes contidos a outros formatos.

Isto fai que sexa un formato excelente para empacar e organizar contidos elaborados con eXe. Ademais, un recurso IMS CP pode utilizarse nun repositorio dun servidor local, permitindo compartir os seus paquetes por varios cursos diferentes.

Para empacar unha unidade didáctica ou recurso en formato IMS en eXelearning, hai que pinchar en **Ficheiro>Exportar>Paquete de contido IMS**.

Sitio web

Este formato de exportación oferta dúas posibilidades alternativas:

- **Cartafol independente:** Exporta o recurso como se fora un sitio web completo almacenando todos os seus compoñentes nun cartafol, cun arquivo de lanzamento do recurso que é un index.htm, co que podemos abrir e utilizar o noso traballo en calquera navegador. A secuencia para exportar a este formato é a seguinte: **Arquivo > Exportar > Sitio web > Cartafol independente**.
- **Arquivo comprimido:** É o mesmo que o cartafol independente, pero comprimido en formato zip para facilitar a súa distribución a un sitio web ou a un LMS como Moodle. A secuencia de exportación é a seguinte: **Arquivo > Exportar > Sitio web > Arquivo comprimido**.



Páxina soa

3

Se eliximos esta opción, eXe producirá un cartafol que contén un único arquivo de páxina web: [index.html](#).

Neste formato eXe non crea a barra de menús lateral, o que por unha banda permítenos aproveitar todo o ancho da pantalla para visualizar os nosos contidos, pero pola outra temos o inconveniente da navegación: os usuarios terán que utilizar o scroll para examinar e operar co recurso. Pode resultar interesante para a visualización de determinados contidos que precisen o máximo espazo de pantalla.

Arquivo de texto

En determinadas circunstancias pode resultarnos interesante exportar o noso arquivo como unha páxina de texto. O inconveniente é que perdremos toda a información gráfica e audiovisual, as ligazóns a internet, etc.

Para facer utilizar esta opción, imos ao menú [Arquivo > Exportar > Arquivo de texto](#).

Notas iPod

Esta opción de eXe exporta o noso recurso a un formato compatible co iPod.

Para exportar con esta opción, iremos ao menú de [Arquivo > Exportar > Notas iPod](#), co que eXe xerará un arquivo con extensión [.linx](#) e un cartafol que contén un conxunto de arquivos [.txt](#), que visualizaremos co noso reproductor iPod.



Pilar Anta Fernández
Xosé Duyos Vázquez

